

### 13. fundur

Æskulýðs- og íþróttanefnd hélt fund þriðjudaginn 3. febrúar 2004 kl. 17:00 í Ráðhúsinu. Mætt voru Ríkharður Hrafnelsson, Sigurborg Sturludóttir, Dallilja Inga Steinarsdóttir, Guðfinna Diego Arnórsdóttir, Vignir Sveinsson, Alda Pálsdóttir og Ólöf Eysteinsdóttir, varafulltrúi.

Ríkharður setti fund kl. 17:00 og fór yfir dagskrá fundarins.

1. Skýrslur forstöðumanna.

X-ið.

Bingóið í desember gekk mjög vel. Opnuðu aftur 5. janúar. Nú þegar er búið að vera spílavöld og náttfataball og Idol kvöld. Mæting góð og allir ánægðir.

Það sem er framundan er að kaupa skjávarpa og hafa verið seld X-kort til að fjármagna hann. X-ið er ágætlega tækjum búið og þarf því ekki að kaupa mikið inn þetta árið.

Inga Dalla lagði til að það yrði að föstum lið að heimsækja aðrar félagsmiðstöðvar að hausti og einnig að sækja ýmsa viðburði á vegum Samfés.

Bent var á að laga þarf stéttina fyrir utan X-ið.

Íþróttamiðstöðin.

Badminton æfingabúðir voru í janúar og voru þau ánægð með aðstöðuna en Vignir tók fram að hópurnir hefðu kosið að dýnur væru á staðnum.

Nefndin var sammála um að marka verði stefnu um hvaða aðstöðu eigi að bjóða hópum sem þessum. Stefnt er að því að hafa umræðu á næsta fundi.

2. Líkamsræktarstöð í íþróttamiðstöðinni.

Munnleg beiðni barst nefndinni að fjalla um málið og dreifði Ríkharður blaði með tveimur valkostum á uppsetningu og rekstri þreksalar.

Valkostirnir voru ræddir og var nefndin sammála að mæla með valkosti A. Að öðrum kosti væri valinn kostur B með því að litlar breytingar yrðu gerðar á húsinu.

3. Starfsmaður i heilsársstarf til að sinna æskulýðsmálum.

Ríkharður dreifði blaði með hugmyndum um hverju slíkur starfsmaður hefði umsjón með. Settir voru fram tveir valkostir og voru þeir ræddir. Nefndarmenn voru sammála að stefna á valkost B.

4. Önnur mál.

- a) Með tilliti til þess að Fjölbrautaskóli Snæfellinga taki til starfa næsta haust þarf að huga að tómstundastarfi fyrir aldurinn 16-20 ára. Allir voru sammála um að skoða þetta vel. Ríkharður og Einar Gunnarsson

(tengiliður við nemendaráð GSS) ætla að skoða í sameiningu hvaða leið ætti að fara.

- b) Vignir lagði til að hægt væri að kaupa í framtíðinni árskort sem gildi í alla starfsemi íþróttahússins.  
Verður skoðað síðar vegna hugsanlegra breytinga næsta sumar.

Fundi slitið kl. 18:45.

Sigurborg Sturludóttir (sign.),  
Dallilja I. Steinarsdóttir (sign.),  
Guðfinna D. Arnórsdóttir (sign.),  
Vignir Sveinsson (sign.),  
Alda Pálsdóttir (sign.),  
Ríkharður Hrafnkelsson (sign.).

Íhs.